

Bosna i Hercegovina  
Agencija za rad i zapošljavanje  
Bosne i Hercegovine  
SARAJEVO

Bosnia and Herzegovina  
Labor and Employment Agency of  
Bosnia and Herzegovina  
SARAJEVO



Босна и Херцеговина  
Агенција за рад и запошљавање  
Босне и Херцеговине  
САРАЈЕВО


Bosnia and Herzegovina  
Labor and Employment Agency of  
Bosnia and Herzegovina  
SARAJEVO

# STATISTIČKI INFORMATOR

pregled stanja tržišta rada u BiH

IV kvartal  
2007.

Broj 6.



Sarajevo, Januar 2008.



## 1. Karakteristike tržišta rada u Bosni i Hercegovini


### Registrovana zaposlenost i nezaposlenost<sup>1</sup>

Prema podacima Agencije za statistiku BiH, u novembru 2007. godine, broj zaposlenih lica u pravnim osobama u BiH iznosio je 683.629, a od toga 266.006 žena. U odnosu na oktobar 2007. godine, broj ukupno zaposlenih u pravnim osobama povećao se za 0,6%, a broj zaposlenih žena se povećao za 1,5%. Stopa registrovane nezaposlenosti za mjesec novembar 2007. godine iznosi 43,1% i manja je od one u oktobru za 0,3 postotnih poena.

**Tabela 1. Registrovana zaposlenost i nezaposlenost u BiH**

|                                      | X. 2007. |         | XI. 2007. |         | Indeksi<br>$\frac{\text{XI. 2007.}}{\text{X. 2007.}}$ |       |
|--------------------------------------|----------|---------|-----------|---------|-------------------------------------------------------|-------|
|                                      | ukupno   | žene    | ukupno    | žene    | ukupno                                                | žene  |
| Ukupno zaposleni                     | 679 236  | 262 028 | 683 629   | 266 006 | 100,6                                                 | 101,5 |
| Ukupno nezaposleni                   | 520 014  | 250 275 | 518 180   | 250 307 | 99,6                                                  | 100,0 |
| Stopa registrovane nezaposlenosti, % | 43,4     | 48,9    | 43,1      | 48,5    |                                                       |       |


Prema podacima zavoda i službi zapošljavanja u **Bosni i Hercegovini sa 31.12.2007. godine na evidencijama je prijavljeno 515.746 nezaposlenih lica, što u odnosu na 30.11.2007. godine predstavlja smanjenje za 2.309 lica ili 0,45%.**



<sup>1</sup>Izvor: Agencija za statistiku BiH, Saopštenje br.9—Zaposleni po djelatnostima—broj 09/2007., Agencija za rad i zapošljavanje BiH, Federalni zavod za zapošljavanje, Zavod za zapošljavanje Republike Srpske, Zavod za zapošljavanje Brčko Distrikta BiH.

Gledajući kretanje registrovane nezaposlenosti u 2007. godini, primjetan je trend pada nezaposlenosti, sem sezonskih oscilacija u februaru i junu.

Najvažniji faktori ovakvog kretanja su pojačani rad inspeksijskih organa u entitetima i Brčko Distriktu BiH u cilju suzbijanja rada "na crno", aktivnosti zavoda i službi zapošljavanja u vezi dosljedne primjene zakona i pravilnika u vezi sa statusom nezaposlenih lica na evidencijama i pojačanim aktivnostima zavoda i službi zapošljavanja oko posredovanja u zapošljavanju lica u BiH i u drugim zemljama (naročito u R. Sloveniji).



### Kvalifikaciona struktura registrovane nezaposlenosti

- NKV 175.281 ili 33,99%,
- PKV 15.672 ili 3,04%,
- KV 183.203 ili 35,52%,
- VKV 4.702 ili 0,91%,
- NSS 2.326 ili 0,45%,
- SSS 116.072 ili 22,51%,
- VŠS 7.653 ili 1,48%,
- VSS 10.837 ili 2,10%.

Kada posmatramo kvalifikacionu strukturu nezaposlenih lica u BiH, zaključno sa 31.12.2007. godine, najveći broj evidentirane nezaposlenosti su lica sa trećim stepenom obrazovanja (KV 183.203 ili 35,52%), te NKV radnika 175.281 ili 33,99%.

Od ukupnog broja registrovane nezaposlenosti, lica sa fakultetskim obrazovanjem (VSS i VŠS) čine 18.490 ili 3,59%.

### Polna struktura registrovane nezaposlenosti

Od ukupnog broja lica koja traže zaposlenje, njih 248.899 ili 48,26% su žene. Broj registrovanih nezaposlenih žena je veći za 1.348 ili 0,54% u odnosu na predhodni mjesec. Prvi put zaposlenje traži 136.846 žena ili 54,98% od ukupnog broja registrovanih nezaposlenih žena u BiH.

### Materijalno-pravna zaštita nezaposlenih

U skladu sa važećim zakonskim propisima, u decembru 2007. godine novčanu naknadu koristilo je **8.359 lica ili 1,62% od ukupnog broja registrovanih nezaposlenih lica.**

**Pravo na zdravstvenu zaštitu ostvarilo je 325.638 lica ili 63,14% od ukupno registrovane nezaposlenosti u BiH.**

### Ulasci i izlasci iz registrovane nezaposlenosti


Od ukupnog broja registrovanih nezaposlenih lica u decembru 2007. godine, novoprijavljenih lica koja traže posao je bilo 12.087, a broj lica brisanih sa evidencije zavoda i službi zapošljavanja je 14.386.


Od ukupnog broja brisanih lica sa evidencije u decembru 2007. godine, **njih 5.832 ili 40,54% je brisano sa evidencije po osnovu zapošljavanja.**

U decembru 2007. godine, **poslodavci su zavodima i službama zapošljavanja u BiH prijavili 2.913 potreba za zapošljavanjem novih radnika**, a istovremeno registrovano je 4.953 lica kojim je prestao radni odnos.

## 2. Zapošljavanje sa evidencija zavoda i službi zapošljavanja

U periodu 2004.—2007. godina primjetan je rast zaposlenih sa evidencija zavoda i službi zapošljavanja u BiH.





U 2007. godini, sa evidencija Federalnog zavoda za zapošljavanje, Zavoda za zapošljavanje Republike Srpske i Zavoda za zapošljavanje Brčko Distrikta BiH ukupno je zaposleno 88.993 nezaposlenih lica, što je za 27.852 ili 45,56% više nego u 2006. godini.


**Tabela 2. Zaposleni sa evidencija zavoda i službi zapošljavanja u Bosni i Hercegovini u 2007.**

|                |               |
|----------------|---------------|
| JANUAR         | 4.544         |
| FEBRUAR        | 5.510         |
| MART           | 7.279         |
| APRIL          | 7.377         |
| MAJ            | 8.130         |
| JUNI           | 8.179         |
| JULI           | 13.980        |
| AVGUST         | 7.213         |
| SEPTEMBAR      | 7.329         |
| OKTOBAR        | 7.072         |
| NOVEMBAR       | 6.548         |
| DECEMBAR       | 5.832         |
| <b>UKUPNO:</b> | <b>88.993</b> |

### 3. Kretanje stope nezaposlenosti u 2007. godini u zemljama jugoistočne Evrope, EU, SAD i Japanu

Anketa radne snage provodi se u skladu sa preporukama i definicijama Međunarodne organizacije rada (MOR) i u skladu sa preporukama Evropskog statističkog ureda (Eurostata). Podaci dobijeni Anketom o radnoj snazi su međunarodno uporedivi sa drugim zemljama.

Prema podacima iz Ankete o radnoj snazi (ARS) u trećem kvartalu 2007. godine primjetan je **trend pada nezaposlenosti u zemljama jugoistočne Evrope** u odnosu na predhodni period.



\* - Podaci za Srbiju se odnose na četvrti kvartal 2006. godine


I pored pozitivnih rezultata, zemlje jugoistočne Evrope preduzimaju dalje korake na smanjenju nezaposlenosti. Dalje aktivnosti su predviđene u poboljšavanju njihove investicione klime i otvaranju produktivnih radnih mjesta. Od osnovne je važnosti smanjiti troškove otpočinjanja poslovanja, sniziti poreze na radnu snagu i provoditi reforme sistema penzija i socijalne zaštite .

Pozitivni trendovi bili su i tokom svih mjeseci u 2007. godini u svih **27 zemalja EU**. U poređenju sa prošlom godinom, prisutan je značajni pad nezaposlenosti u svim zemljama EU. Harmonizovana stopa nezaposlenosti za 27 zemalja EU je iznosila 7,2% i manja je 0,5% postotnih poena u odnosu na početni period.

U Japanu i SAD, i dalje je zadržana niska stopa nezaposlenosti, s tim da je u SAD ona nešto povećana u odnosu na početak 2007. godine, što je povezano sa globalnim kretanjima američke privrede.



STOPA NEZAPOSLENOSTI U ZEMLJAMA EU, USA I JAPANU - XII/2007.



Izvor: EUROSTAT

**Napomena:** U izradi ove publikacije korišteni su podaci od sledećih institucija: Federalni zavod za zapošljavanje, Zavod za zapošljavanje Republike Srpske, Zavod za zapošljavanje Brčko Distrikta BiH, EUROSTAT-a, Agencija za statistiku BiH, Federalni zavod za statistiku FBiH, Republički zavod za statistiku Republike Srpske.

IZDAVAČ: Agencija za rad i zapošljavanje Bosne i Hercegovine,  
Đoke Mazalića broj 3,  
71000 Sarajevo,  
Bosna i Hercegovina,  
Telefon: (+ 387 33) 208-252,  
Fax: (+ 387 33) 209-475,  
E-mail: [agenrzbh@agenrzbh.gov.ba](mailto:agenrzbh@agenrzbh.gov.ba),  
Web: [www.agenrzbh.gov.ba](http://www.agenrzbh.gov.ba).

Molimo korisnike ove publikacije da prilikom korištenja podataka navedu izvor.